


Janeiro 2015



KATEKESE BA PRE-ADOLEXENTE, IHA ORATORIO 2015

Pre-adolescente

I Eukaristia

Objetivo

Hatene Jezús nia presensa iha hostia santa
Komprede ba komunga ne'e, simu Jezús nia isin
Prepara an didiak molok ba komunga

Prossu

Orasaun: hodi Padre,

Hananu:

EUKARISTIA SAKRAMENTU BOOT TEBES 173

Eukaristia sakramentu boot tebes

Na'i Jesus nia futar isin lolos;

aihan moris ba Nia emar sira

be hakat ba tuir dalan lalehan.

Anju sira hotu no mos santu tomak

halibur an, hana'i, hahi Jesus;

Na'i Jesus hiit An mai lor-loron,

Janeiro 2015

haraik aihan futar Isin no Ran.

Istoria

Primeira Komuniaun

Ha'u tinan sanulu resin ida bainhira ha'u bele simu primeira komuniau. Ha'u hatene ona doutrin iha katesismu kiik tomak, maibe iha tempu neba, labarik sira la bele simu primeira komuniau bainhira sira seidauk halo tinan sanulu resin rua. Tan ami nia uma dook housi parokia, padre paroko la hatene ha'u, ne'e duni ha'u ten ke aprende katekese housi ha'u nia mama. Tan mama lakohi katak ha'u lakon buat folin boot santa relijiaun nian ida ne'e to'o ha'u tinan boot liu tan, nia rasik prepara ha'u tuir nia matenek. Hafoin iha kuaresma laran, nia haruka ha'u ba halo doutrina loron loron. Ikus mai, ha'u prova hau liu, no marka loron nebe labarik sira hotu sei halo sira nia obrigasaun Paskua nian ba dala uluk.

Iha ema lubun boot nia leet, susar duni atu hadook an housi distra-saun. Bainhira loron besik ona, ha'u nia mam haka'as an tulun ha'u liu tan. Iha kuaresma laran, nia lori ha'u atu konfesa dala tolu. "Joaozinho," nia dehan fila fila, "Maromak prepara ba o presentu boot ida; prepara o nia an di-diak, hodi konfesa, keta subar buat ruma, maibe konfesa sala hotu. Hakribi o nia sala hotu, no hakotu lia ba Maromak katak o sei halo an diak liu iha futuru." Ha'u hakotu lia duni, maibe ha'u laran metin ka lae, Maromak mak hatene. Iha uma, inan halo ha'u reza, le'e livru diak, fo konseliu diak nebe inan badinas hatene buka oportunidade ba nia oan sira.

Iha dader neba, nia la husik ha'u koalia ho ema ruma. Nia ba hamutuk ho ha'u ba meja santa no hamutuk ho ha'u, halo preparasaun no agradesimentu nebe padre vigariu foraneu, Pe. Sismondi, reza hamutuk ho ami ho lian makaas. Iha loron neba, mama lakohi katak ha'u halo serbisu ruma, maibe nia hakarak ha'u le'e no reza deit. Iha buat hirak nebe ha'u nia inan dehan fila fila mai ha'u mak liafuan sira ne'e: "Oan doben, loron ne'e loron boot ba o. Ha'u fiar katak Maromak kaer metin ona o nia fuan. Ohin, hakotu lia ba Nia katak, tuir o bele, o sei haka'as an atu sai diak to'o o nia moris nia rohan. Iha futuru, ba komunga dala barak, maibe hare ba katak o la halo sakrilejiu. Hateten sala hotu bainhira o konfesa, halo tuir nafatin, ba ho laran kmaan ba katesismu no homilia; no halai hanesan housi moras boot housi sira nebe koalia aat."

Perguntas

1. Don Bosco halo primeira komuniau ho tinan hira?
2. Se mak hanorin nia, atu halo konfensa?

Pre-adolescente

3. Nia mama, dehan fila fila saida ba nia?

4.

Evan.

Mat 14: 13-21

Jesus fo han ba ema barak

¹³Rona tiha João Batista nia mate, Jesus sa'e ba ro ida hodi ba mesak iha rai fuik maran; maibe hatene tiha ne'e, ema lubun boot husik sidade sira hodi la'o tuir buka Nia. ¹⁴Tun housi ro hodi hare ema barak ne'e, Nia hanoin teb-tebes sira hodi fo isin diak ba sira nebe moras. ¹⁵Loraik dau-daun ona, eskolante sira hakbesik ba Nia hodi dehan: "Fatin ne'e rai fuik, no kalan besik ona; haruka ema sira ne'e ba ona, atu sira bele sosa aihan iha knua sira." ¹⁶Nune'e Jesus dehan ba sira: "Sira lalika ba; imi rasik fo han sira ba." ¹⁷Sira hatan ba Nia: "Ami iha deit paun fuan lima no ikan rua." ¹⁸"Lori sira mai," Nia dehan. ¹⁹Hafoin Nia haruka ema lubun boot tur iha du'ut leten. Nia kaer paun fuan lima no ikan rua ne'e, foti matan ba lalehan hodi fo bensa. Tuir mai Nia silu paun sira ne'e hodi fo ba eskolante sira; hafoin sira fahe ba ema lubun boot. ²⁰Sira hotu han to'o bosu; baluk sira nebe resin, sira tau ba luhu sanulu resin rua nakonu! ²¹Ema sira nebe han hamutuk mane rihun lima, la sura fetu no labarik sira.

Perguntas

1. Jesus sa'e ba ro ba ne'ebé?
2. Ema lubun boot husi sidade halo saida?
3. Jezús halo saida hasoruema lubun boot ne'e
4.

Resumo

Iha istoia ita rona kona ba Don Bosco nia esperensia, atu halo primeira kumuniaun. Molok halo primeira kumuniaun, hanesan baibain, nia tuir doutrina. Tamba parokia dook, nia halo doutrina ho nia mama iha uma. Wainhira nia pronto ona mak tuir prova iha Parokia. Tamba Don Bosco matenek, iha prova ne'e nia pasa. Molok atu simu Kristo nia isin uluk nanain konfesa, tamba tenke hamos uluk sala molok simu Jesus.

Iha Evanjellu, ita rona katak, Jezús fo han ba ema lubun boot, tamba sira buka tuir Nia. Jezús laran sadia sira. Nune'e fo han sira ho buat oituan be sira iha.

Iha ita nia moris mos nune'e, se ita buka Jezús, liu husi; ita nia prepara an molok ba komunga, reza, harohan konsentrasaun didiak ba orasaun sira be reza, Jezús sei fo bensaun ba ita nia hakaas an ne'e. Ita halo oi-

Janeiro 2015

tuan, Jezús sei halo husi oituan ne'e sai barak. Exp. Se ita estuda, Jezús tulun ita atu sai matenek. Se ita la hakaas an atu estuda, la reza ba Jezús, maski ita la falta ba eskola ita sei la matenek, tamba Jezús la fo bensaun ba ita nia baruk ten.

II Jezús nia isin

Objetivo

Hatene katak hostia ne'e mak Jezús nia isin rasik
Komprende katak Jezús nia isin fo kbiit ba ema
La ba komunga ho sala

Prosesu

Orasaun: hodi Padre,

Hananu:

EH KRISTU MAK TENE ITA 171

*Eh Kristu mak tene ita, ita hakbesik Na'i nia mesa;
atu ba komunga nia Isin, Sakramentu domin.*

1. Maromak nia han mak tun hosi lalehan
atu halo raiklaran moris.
2. Se hakbesik Ha'u sei la hamlaha tan;
e fiar Ha'u sei la hamrook tan.
3. Ema la moris deit hodi aihan;
maibe hodi mos Maromak nia liafuan
4. Simu no hola ba, ne'e Ha'u nia Isin;
simu no hemu ba, ne'e Ha'u nia Ran.
5. Se hola Ha'u Isin no hemu Ha'u Ran,
nia sei moris ba nafatin.
6. Ita hotu hamutuk isin ida deit,
Ita bele hola han mesa ida deit. **89**

Don Bosco hanorin

Ba komunga beibeik. Ó sei deskobre saida mak lialoos nia kmanek! Komunga beibeik ne'e nu'udar airin ida tahan moris iha moral no mundo fisiku, prevene atu monu fiar ha'u, ha'u nia oan doben sira, ha'u la inventa no aumneta wainhira dehan komunga beibeik ne'e mak rai ida be metin, iha ne'ebe mundu nia rin hamrik metin iha leten, no devosaun ba Nain Feto mak airin seluk be tahan mundu nia rin.

Perguntas

1. Don Bosco nia liafuan badak ne'e, hanorin saida mai ita?
2. Tuir ó nia komprende mundo nia rin mak saida?
3. Moris iha moral mak moris oinsa?
4.

Evanjellu

Mt 26: 26-29

Eukaristia ba dala uluk

²⁶Wainhira sira han dau-daun, Jesus kaer paun, haraik bensa, silu hodi fahe ba nia eskolante sira dehan: "Simu no han ba: ne'e Ha'u nia isin."

²⁷No Nia kaer kalis, fo tiha agradese, fo ba sira dehan: "Imi hotu, hemu ba: ²⁸ne'e Ha'u nia ran moruk foun nian nakfakar ba ema barak atu kasu sala. ²⁹Ha'u dehan ba imi: Ha'u sei la hemu tan fuan uvas ne'e to'o loron nebe Ha'u sei hemu fali nia hamutuk ho imi iha Ha'u Aman nia reinu."

Perrguntas

1. Sira han dadaun Jezús halo saida?
2. Waainhira Jezús fahe paun ba sira, dehan saida ba sira?
3. Jezús dehan, iha ne'ebé tan mak nia bele han hemu fali ho sira?
4.

Resumo

Iha Don Bosco nia hanorin hatoo mai ita, katak "**Ó sei deskobre saida mak lialoos nia kmanek!**" ne'e Don Bosco hakarak hanorin nia oan sira, atu simu komunga bei-beik. Ne'e dehan katak ba sira bele, ba misa iha dader-dader. Tamba liu husi komunga, ita hetan Maromak nia tulun ba buat ne'ebé ita la bele.

Nu'udar ema fraku iha buat balun ita la bele, husi ita nia frakesa ita hasa'e ba Maromak, hodi husu nia tulun, atu nia bele halo iha ita nia parte, buat be ital abele ne'e. Basa simu komunga, simu Jezús iha ita nia fuan, nune'e Nia ho ita, sei tulun ita.

Iha Evanjellu dehan; Jezús fo nia isin no ran ba nia eskolante sira. Momento ne'ebá eskolante sira ne'e representa ita ida-idak be oras ne'e simu Jezús nia isin. Jezús fo nia isin mai ita atu tulun ita iha ita nia frakesa sira. Maibe Jezús sei la halo buat ida, se ita la hatoo ba Nia ita nia frakesa sira ne'e.

Janeiro 2015

Ita nia frakesa sira mak ita nia sala sira, hahalok sira be ita halo la monu ba Maromak nia laran ka la halo tuir Maromak. Molok simu Jezús nia Isin presisa kasu sala sira ne'e, mak ba konfessa, reza orasaun kasu sala, ho neon no laran, hakribit sala sira ne'e. Ne'e dehan katak la ba repete bei-beik sala be hanesan.

III

Han Hamutuk ho Jezús

Objetivo

Hatene katak iha misa, ita han hamutuk ho Jezús

Komprende katak misa ne'e ita selebra Jezús nia han dala ikus

Hatais diak wainhira mai misa

Prosesu

Orasaun: hodi Padre,

Hananu

DON BOSCO, AMI AMAN

409

1. Iha mundu oras ne'e susar barak duni.
Dala ruma ita tauk, tamba sa? La hatene!
La bele lakon esperansa tamba Na'i haraik mai ita
belun ida be fo tulun, hodi la'o hamutuk ita! **203**
*Don Bosco, ami aman, belun foinsa'e sira nian,
tau matan (ba) ita oan sira; lori ami ba lalehan!
Don Bosco ami aman, modelo ami nian,
dada ita oan sira habelun ho Na'i!*
2. Se ita hetan susar no ita lakon fiar,
lalika tauk ona, Iha ida hein ba ita.
Nia ita belun los, it'nia aman doben mos,
ida be hanorin ita atu la'o iha dalan los.

Istoria : Don Bosco nia lia menon

(Don Bosco husu ba nia oan sira katak, hadook an husi sasan mundo ne'e nian); hodi hadook an husi sasan mundo ne'e nian, ha'u hakarak dehan hadook an husi ksolok ne'ebé la loos nian, husi belun ne'ebé senti-mental liu, no husi han-han no hemu ne'ebé lori imi ba kanten. Ha'u husu imi hadook an husi hatais furak ka lakan-lakan (badak) , basa hatais sira ne'e bele halo imi sai foti an ka dada ema nia atensaun ba imi nia an, dala ruma mos imi hanesan ema folin la iha. Se tebes susar ba ó atu ha-

Pre-adolexente

dook an husi buat hirak ne'e ha'u husu ba ó atu halo tuir manu fuik wainhira prepara an atu husik hela sira nia knuk. Sira ba iha sira nia knuk ninin, baku sira nia liras, no hakaas an atu semo. Sira koko sira nia kbiit. Halo hanesan, baku imi nia liras, haaaa-an atu hamriik sae ba lalehan. Keta koko ida ne'e iha ai-hun leten; keta halo imi monu tun ba rai. Keta, hahu ho buat kiik, ho buat ne'ebé importante ba imi nia salvasaun.

Ha'u hakarak imi usa liras spiritual rua ne'e: devosaun ba Santissimo Sakramneto no ba Nain Feto. Ho liras rua ne'e, ho devosaun ruaan ne'e, imi sei seguru, sei tulun imi, la kleur imi sei hamrik sae ba lalehan. Wainhira manu sira sai ona husi knuk, sira semo aas, laos semo tun. Halo hanesan. Konsente wainhira semo tun- ne'e mak, la halo devosaun rua ne'e ho mundo nia objetivo, hanesan atu manan ó nia superior (naiulun) sira nia estima ka lohi ó nia kolega sira. Ha'u sei haksolok liu se ha'u halakan ahi domin nian ne'e iha imi, ba Jezús iha Eukaristia. (santissimo Sakramneto).

- Don Bosco

Evanjellu

Mt 26: 17-25

Han kalan ba dala ikus

¹⁷Iha loron uluk festa Paun fermentu laek nian, nia eskolante sira ba husu Jesus; "Ita hakarak ami ba hadia ba Ita sasan atu han Paskua iha los nebe?" ¹⁸Nia hatan: "Ba hasouru ema ida iha sidade hodi dehan ba nia: 'Mestre dehan: 'Ha'u nia tempu besik ona; iha o nia uma mak Ha'u sei halo Paskua hamutuk ho ha'u nia eskolante sira.'" ¹⁹Eskolante sira halo tuir nudar Jesus haruka hodi hadia sasan ba Paskua. ²⁰To'o ona loraik, Nia tur iha meja hamutuk ho sira na'in sanulu resin rua. ²¹Wainhira sira han dau-daun, Nia dehan: "Tebes, Ha'u dehan ba imi; imi ida sei saran Ha'u." ²²Ho neon nakraik teb-tebes, sira ida-ida hahu dehan ba nia: "Keta ha'u karik, Na'i?" ²³Nia hatan: "Ida nebe hatama nia liman hamutuk ho Ha'u iha bikan, nia mak sei saran Ha'u." ²⁴Oan Mane tuir nia dalan nudar hakerek nanis ona kona ba Nia; maibe susar boot ba ema nebe saran Oan Mane ba mate: nia la moris karik kala diak liu!" ²⁵Judas, ida nebe saran Nia dehan; "Keta ha'u karik, Mestre?" Jesus hatan ba nia: "O rasik mak dehan."

Pergunta

1.... (animador mak halo)

Janeiro 2015

Resumo

Iha Don Bosco nia liafuan sira hatoo mai ita brani atu hamrik sa'e ba lalehan. Ne'e dehan katak, ita tenki brani hasoru moris ne'e. Moris oras ne'e dala barak liu, buka ksolok deit ba nia an rasik. Nune'e Don Bosco fo hanoin ba nia oan sira, atu iha hakaas an, hadook husi hatais be lori ita ba sala, hahan be halo ita sai kanten no belun be lori ita ksolok la loos nian. Alin sira dala ruma ita la sente, ba buat ne'ebé ita halo ne'e, mak la loos ka sala ida. Tan ita presisa rona ema seluk, wainhira sira fo hanoin mai ita, kona ita nia hahalok ida.

Iha evajellu Jezús dehan, han bad ala ikus. Tamba sada la ikus? Tamba ita nia hahalok sira be la tuir Maromak nia hakarak no Santa Kre-da nia hanorin sira. Jezús dehan ida ne'e, tamba Nia tenki mate ba ita nia sala, atu bele manan fali ita ba Reinu lalehan nian.

Mai ita hakaas-an atu halo diak, nune'e ita la halo Jezús terus barak. Hanesan; hatais diak, wainhira ba misa, hatais hena moos nian, naruk oi-tuan, fuuk sui halo kabers, hatais sapatu. Laos hanesan fali ema atu ba halimar fali iha kampu ka dalan ninin.

IV

Sai ida deit ho Kristo

Objetivo

Hatene saida deit ho Kristo ne'e mak oinsa
Komprende sai ida ho Kristo nia lalaok sira
Hadomi maluk sira hanesan Jezús halo

Prosesu

Orasaun: hodi Padre,

Hananu:

COMUNHAO E UNIÃO

220

Comunhao é união e união com Deus;

comunhao é uniao e verdade,

nossas almas unidas se fundem

e as mãos se estreitam em paz. 114

1. Na meja com Cristo me sentirei
e outro Cristo com Ele vou ser;

com meu irmão eu me alegro no dia
e na noite com Ele sofrerei. (2x)

2. Minha alma unida a Deus com todo está,
quero ser testemunha e verdade
para todos os homens dispersos,
o Senhor quando em fim voltará. (2x)

3. Nenhum homem se afaste da tua forte voz
se convidas a humanidade
todos podem amar-Te também, Senhor
quando em fim para todos virá. (2x)

Oras ne'e sira hamutuk fali, sai nu'udar familia ida be loos. Sira bele halibur hamutuk fali tamba sira mak mai husi aman no inan ida deit.

1. Saida mak mosu ba senhor Domingos nia familia?
2. Oan sira ba ne'ebe?
3. Tamba sa mak ikus sira bele hetan malu fali?
4. ...

²²Iha Jerusalem sira halo dau-daun festa dedikasaun templu nian iha tempu malirin. ²³Iha templu, Jesus la'o iha portiku Salomao nian. ²⁴Judeu sira haleu Nia hodi husu: "To'o wainhira O sei husik ami iha nakukun laran? O mak Messias karik, hateten los kedas mai ami." ²⁵Jesus

Janeiro 2015

hatan ba sira: “Ha’u hateten ona ba imi, maibe imi la fiar. Hahalok sira nebe Ha’u halo hodi Ha’u Aman nia naran fo sasin kona ba Ha’u, ²⁶maibe imi la fiar, basa imi la’os Ha’u nia bibi sira. ²⁷Ha’u nia bibi sira rona Ha’u nia lia; Ha’u hatene sira, no sira tuir Ha’u. ²⁸Ha’u fo ba sira moris rohan laek. Sira la lakon ba nafatin, no ema ida sei la hadau sira housi Ha’u nia liman. ²⁹Ha’u Aman, nebe fo sira mai Ha’u, Nia boot liu hotu; no ema ida la bele hadau sira housi Aman nia liman. ³⁰Aman ho Ha’u ida deit.”

Perguntas

1. Judeu sira husu saida ba Jezús?
2. Jezús hatan saida ba Judeu sira?
3. Oinsa sa mak Jezús ho nia Aman sai ida deit?
4. ...

Resumo

Iha istoria ita rona, tiu Domingos, ho nia familia sira hela hamutuk, hela keta-ketak, tamba funu sira fahe malu. Ne’e hatudu katak, wainhira ita halo sala, ka hirus ema ruma la koalia ho sira, ita hanesaan fahe malu, la koalia malu, hanesan hela keta-ketak. Ita fahe malu katak ita la iha unidade iha ita leet.

Wainhira funu hotu ona, sira mai hamutuk fali; wainhira ita diak malu ita sei lao hamutuk, halimar hamutuk, koalia ba malu. Ita halo sala hasoru Maromak, hanesan ita hadook an husi Maromak, hirus Maromak, la besik Maromak, maibe liu husi konfesa ita hadame an ho Maromak, it abele ba komunga, simu Jezús iha ita laran, iha ita fuan no neoan.

Iha evajellu, Jezús fo sai katak nia Maromak Oan, Jezús dehan; ema ne’ebé Ninia ema r ne’e, hatene Nia rona Nia, no tuir Nia. Se ita la halo tuir Jezús nia hanorin sira katak ita laos Maromak nia ema sira. Se mak hakarak susesu iha vida ne’e, teki tama iha Maromak nia Reino, basa Jezús sei tulun nia no haraik grasa ba nia.

V

Celebrasaun agradecemento

Objetivo

Hatene agradece ba vida ne’e

Komprende katak buat diak hotu ne’e mai husi Maromak

Buka agradece nafatin Maromak

Prosesu

Pre-adolescente

Orasaun: hodi Padre,

Hananu

AGRADESE NA'I MAROMAK, AGRADESE 230

Agradese Na'i Maromak, agradese.

Maluk, ei, mai agradese. (2x)

1. Dadersan deit manu oan sira lian,
fo agradese Maromak, ita Na'i.(2x)
2. Beh, ema sira, tansa la mai,
fo agradese Maromak, ita Na'i.(2x)
3. Kiik oan no boot, riku no kiak,
hana'i, hahi Kristu, ita Maksoin.(2x)
4. Hot-hotu mai, hananu ho ksolok,
fo agradese Maromak, ita Na'i.(2x)

Historia: Hatoo obrigado tarde liu

Iha senhora ida, toba hela iha nia toba fatin, moras nian. Nia senhora ida laran diak liu, nia serbisu mak fase ropa, simu ema seluk nia ropa no fase, hodi ida ne'e mak nia fo han, hemu no eduka nia oan nain haat. Wainhira moras todan ona, nia hatene ona katak nia sei mate. Nia oan nain haat haleu hela nia nia toba fatin, ho matan ben. Nia oan boot dehan ba sira nia mama: "mama ami hotu hadomi mama. Ami haksolok katak ami iha inan ida hanesan mama. Mama nia diak ami sei lahaluha, iha ami nia moris tomak! Obrigado mama!"

Senhora ne'e, ho matan ben hatan, tansa agora deit mak ó dehan mama? Dehan tiha ne'e nia iis mos kotu. (PAM 206)

Perguntas

1. Senhora ne'e iha oan hira?
2. Oan boot hatoo saida ba nia mama?
3. Mama hatan saida ba nia oan?
4.

Evajellu

Luk 17: 11-19

Ema moras lepra na'in sanulu

¹¹Jesus liu housi Galileia no Samaria atu ba Jerusalem.
¹²Wainhira nia tama dau-daun ba knua ida, ema moras lepra na'in sanulu mai hasouru Nia. ¹³Housi dook sira hasa'e lia dehan: "Jesus, mestre, sadia atan ami!" ¹⁴Hare tiha sira, Nia dehan ba sira: "Imi ba hatudu imi an ba amlulik sira." La'o tuir dalan, sira sai mos ona. ¹⁵Sira ida, hare katak nia

Janeiro 2015

isin diak fali ona, fila fali hodi hahi Maromak ho lia maka'as; ¹⁶nia taka oin ba rai besik Jesus nia ain hodi agradece. Ema ne'e Samaritanu ida. ¹⁷Jesus dehan ba nia: "La'os ema na'in sanulu mak sai mos? Sira na'in sia iha nebe?" ¹⁸Sira ida la fila mai atu fo gloria ba Maromak, mak ema malae ne'e deit?" ¹⁹Hafoin Nia dehan ba ema ne'e: "Hamriik, la'o ba! O nia fiar mak soi o!"

Perguntas

1. Wainhira Jezús atu tama dadaun ba Samaria, se mak mai hasoru Jezús no nain hira?
2. Sira husu saida ba Jezús?
3. Ema nain hira mak mai fali agradece?
4.

Resumo

Iha istoria ita rona katak, senhora ida iha oan nain haat, senhora moras besik atu mate, mak nia oan ida dehan obrigado ba nia mama. Dehan obrigado dehan bei-beik, laos atu mate ona mak ita dehan obrigado. Se nune'e ita nia obrigado la folin ona, tamba nia la bele hatan ita. Ita nia kolega sira, fo buat ruma, ita dehan obrigado, tulun ita hodi fo ha'u lap-izera be monu, ita dehan obrigado, nsst.

Iha evanjellu, ita rona katak, Jezús molok atu ba Samaria laran, iha ema moras lepra nain sanulu mak mai hasoru Nia, husu nia atu kura sira. Atu hetan fali isin diak. Wainhira sira hetan tiha isin diak, iha ida deit mak fila mai, atu agradece, dehan obrigado ba Jezús, maibe sira seluk, la mai atu agradece.

Hanesan ne'e mos dala barak mosu iha ita nia moris, ita simu buat barak maibe, la dehan obrigado. Liu-liu ba Maromak. Nune'e misa ne'e, celebraun agradecemento ba Maromak, se ita la falta misa iha lor-loron ka Domingo, ne'e dehan katak ita agradece beibeik ba Maromak. Se ita agradece beibeik, Maromak sei rona barak ita nia orasaun ka harohan sira, hodi haraik mai ita buat be ita husu.

VI

Hasae Sakrifisio

Hatene halo sakrifisio

Komprende saida mak krifisio

Buka hakaas-an hasa'e sakrifisio ba Maromak

Pre-adolescente

Prosesu

Orasaun: Hodi Padre,

Hananu:

SAKRIFISIU BOOT LIU HOTU 273

1. Sakrifisiu boot liu hotu: Missa Eukaristia. (2x)
Kristu mak halo, husik mai ita, Ita atu halo tuir. (2x)
***Maluk sira, it'namkari ona; lori Maromak ba ita uma;
Hela hamutuk ho ita. (2x)***
2. Ita nia Missa hotu ona, fila ba uma ho ksolok. (2x)
Ita tatoli ba ema hotu-hotu Kristu nia liafuan. (2x)

Historia

Bispo Oscar Armulfo Romero husi sidade El Salvador, sai kuinesido tamba ninia moris ne'ebé buka atu defende komunidadade no sosiedade liu-liu kiik no kiak sira. Nia la kole no baruk atu fo hanoin ba ukun nain sira ne'ebé ukun tuir sira nia hakarak deit hodi fo terus ba povo kiik no kiak sira. Hanesan baibain ukun nain sira ne'e la simu nia. Sira buka atu "hatun" nia.

Iha loron sigunda 24 Marco 1980, tiru mate Bispo Romero, ida be tiru nia ne'e ema selu nia. Ema tiru Bispo wainhira nia reza misa dadaun, no temi liafuan hirak ne'e; Nee Ha'u Nia Isin, saran ba mate tamba imi, ni ida nee Ha'u nia Ran nakfakar ba imi". Nia moris nakfilak ba sakrifio hasa'e ba Maromak iha Na'i nia altar. (PAM 477)

Perguntas

1. Se mak oho Bispo Romero?
2. Bispo halo saida make ma mai oho?
3. Bispo Romero nia mate lori saida ba sidade El Salvador?
4.

Evanjellu

Mt 19: 16-30

Mane klosan riku

¹⁶La kleur mane ida hakbesik ba Nia dehan: "Mestre, ha'u sei halo buat diak sa atu hetan moris rohan laek?" ¹⁷Jesus husu ba nia: "Tansa o husu Ha'u kona ba buat nebe diak? Ida deit mak diak. Maibe, o hakarak tama ba moris karik, halo tuir ukunfuan sira ba." ¹⁸Nia husu fali: "Ukunfuan nebe?" Jesus hatan: "Keta oho, keta sala ho ema nia kaben, keta na'ok, keta foti lia falsu; ¹⁹hamtauk o nia aman ho inan, hadomi o nia

Janeiro 2015

maluk hanesan o an rasik.”²⁰Klosan ne’e dehan ba Nia: “Ha’u halo tuir ona buat ne’e hotu: ha’u sei halo tan sa ida?”²¹Jesus dehan ba nia: “O hakarak sai ema diak lo-los karik, ba fa’an tiha o nia sasan hotu hodi fahe ba ema kiak sira, nune’e o sei hetan rikuso iha lalehan; hafoin mai tuir Ha’u.”

²²Rona tiha lia hirak ne’e, mane klosan fila ho neon nakraik, basa nia iha rikuso barak.²³Tan ne’e Jesus dehan ba nia eskolante sira: “Tebes, Ha’u dehan ba imi: ema riku ida atu tama iha reinu lalehan susar.”²⁴Tebes, Ha’u dehan ba imi: lalais liu ba kuda kamelu ida tama iha daum nia kuak liu fali ema riku ida tama iha reinu lalehan.”²⁵Wainhira eskolante sira rona lia ne’e, sira hakfodak hodi dehan: “Nune’e se los mak bele soi an?”²⁶Jesus fihir sira hodi dehan: “Ba ema sira, ne’e la bele; maibe ba Maromak buat hotu bele deit.”

²⁷Tuir mai Pedro hasa’e lia dehan: “Be ami nebe husik tiha buat hotu hodi tuir Ita Boot: ba ami ne’e sa ida?”²⁸Jesus dehan ba sira: “Tebes, Ha’u dehan ba imi: imi sira nebe tuir Ha’u, iha mundu foun, wainhira Oan Mane tur iha nia kadunan gloria nian, imi sei tur mos iha kadunan sanulu resin rua hodi tesi lia ba suku sanulu resin rua Israel nian.”²⁹Ema hotu nebe husik uma, maun alin, feton, aman, inan, oan sira ka rai, tan Ha’u nia naran, sei simu dala atus ida liu tan hodi simu mos nudar liman rohan moris rohan laek.³⁰Barak nebe uluk, sei ikus fali; no sira nebe ikus, sei uluk fali

Perguntas

.....

Resumo

Iha istoria, ita rona katak, ema oho Bispo Romero wainhira nia reza misa namanas. Ema boot sira nasaun nian, la simu Bispo tamba nia defende ema kiik no kiak sira nia dignidade. Nune’e sira planu selu ema atu oho Bispo, ema ne’e halo duni. Bispo mate liu tiha, boot nasaun nian, hapara sira nia hahalok be trata at povo kiik no kiak ne’e. Bispo nia mate hanesan, vitoria ba povo kiik no kiak sira.

Iha evanjellu dehan, foinsa’e riku, hanoin nia rikuso, la koho tuir Jezús. Foinsa’e ne’e hanoin sasan liu fali Maromak be hakiak sasan ne’e.

Ita aprende husi istoria hodi fo an ba ema seluk; katak mai iha oratorio buka halimar ho kolega sira be ema la iha maluk ho sira, karik sira tristi, tamba ema hirus sira, ita halo sira haksolok, hodi halimar ho sira, karik

Pre-adolexente

sira la iha maluk ita ba hamaluk sira, ita sai belun ba malu.

Aprende husi evanjellu, husik buat hotu, buka moris tuir ka halo tuir Jezús nia hanorin, basa Jezús, Maromak Oan hatene nia emar sira nia presisa, nia bolu ita ba ita nia diak. Husik buat hotu mundo ne'e nian buka moris tuir Jezús.

Imi foin rona katak ema oho, Bispo Romero wainhira nia halo Misa dadaun. Ema boot sira nasaun nian, hirus Bispo Romero, tamba nia defende ema kiik no kiak sira. Hodi defende ka protese kiak no kiik, nia tenki mate. Husi nia mate ne'e ema aprende hodi la halo tan povo kiik no kiak sira terus tan. Nia mate ba povo, hasai povo kiik no kiak nia terus.

Iha evanjellu dehan, foinsa'e riku, hanoin nia rikusoin, la kohi tuir Jezús. Foinsa'e ne'e hanoin sasan liu fali Maromak be hakiak sasan ne'e.